

V N
GENTIL-

HOMME FRANCOIS,
armé de toutes pieces pour
le seruice du Roy.

*Adressé à Messieurs les Princes & au-
tres Seigneurs de la Cour, le
sixiesme Juillet.*



A P A R I S

De l'Imprimerie d'Antoine du Brueil,
entre le pont S. Michel, & la rue
de la Harpe, à l'estoille
couronnée. 1615.

THE NEWSPAPER
LIBRARY


Case

F

39

326

1615927



V N G E N T I L - H O M M E

François, armé de toutes pieces
pour le seruice du Roy.

*Adressé à Messieurs les Princes, & au-
tres Seigneurs de la Cour.*

E suis Gentil-homme Fran-
çois, issu d'une aussi Noble
& autat illustre famille qu'au-
tre qui se puisse compater à moy. Je
suis né au seruice de mon Roy, i'en-
tretiens ma gloire en ses commende-
mens, mon honneur subsiste en luy
obeissant, & ma vie se depend en luy
faisant seruice, ie n'ay pas le cœur si
fermé que ie ne dise tousiours & libre-
ment en vray François ce que ie sçay
sans rien dissimuler ny cacher de ce
qui se passe aux yeux de ma cognois-
sance pour le bien & le profit de leurs

Majestez , ayant tousiours eu ceste
 maxime d'Estat en reCOMMANDATION
 plus grande que toute autre leçon,
 que celuy n'est pas moins criminel de
 leze Maieſté, de celer le bon conseil a
 son Prince , que s'il l'offençoit en sa
 personne : qu'on n'espere icy de moy
 que ie pretende en mon ame, ny en ce
 lieu offencer aucun : le proteste que
 mon intentiõ est tout autre, mais seu-
 lement veux ie dire, que tous ceux qui
 s'obligent aux voulõres du Roy, qui
 naissent à son seruice, qui viuent, com-
 me ſuieçts en sa protection, & qui de-
 sirent eterniser leurs ans en l'exécution
 de ses commandemens, sans autre res-
 pect ny consideration, doivent cherir
 ce qu'il aime, honnorer ce qu'il affe-
 ctionne, aller où il veut, faire ce qu'il
 commande, le ſuivre où il luy plaist,
 non non, ce n'est affaire aux ſimples
 Gentils hommes comme moy, de ba-
 lancer les deſſeins, pour ſçauoir s'ils

font iustes, & d'establer les aduis de son Conseil sur le tapis de nos iugemens, pour peser les plus equitables, & qui reuiénent mieux à nos affectiōs, obeissōs seulement, ce sont là les bornes de nostre deuoir. Je n'ay des armes que pour luy, des forces que pour le deffendre, ny du sang en mes veines que pour espendre courageusement, contre tous ceux qui luy seront ennemis; le suis Gentil-homme François, illu d'une race genereuse, que ay appris dès mō ieune aage que l'obligation deuë au Souuerain, est la premiere en ordre, la plus estroicte, & consequemment la plus considerable.

Il s'agist en ce temps du Voyage du Roy en Guyēne, on parle d'accomplir tout à fait l'Alliance cōtractée entre la France & l'Espaigne, c'est une affaire sur laquelle tous les plus sages ont donné leur aduis, on la pèse au Conseil des sages, on la approuvée es cours souueraines, confirmée

en l'assemblée des Estats; & maintenant
 que la saison est venue que leurs Maestés
 ont resolu de la terminer, faut il que nous
 branlions au manche, & que nous allions
 opposer en ces resolutions des apprehensions
 de choses qui ne peuvent auoir lieu que d'as
 les esprits de ceux qui ont peur de leur om
 bre, il les faut suivre Noblesse vailloureuse,
 il faut se preparer au voyage, c'est vn fai
 re le faut, c'est crime d'y cōtre dire y es
 obligés, quittons les partis de ceux qui ne
 demandent qu'à trouuer sujet & occasion
 d'armer pour auoir en ce faisant moyē de
 profiter pour eux: donnez vous de gar
 de de paraphraser sinistrement sur les dis
 seins de Monsieur le Prince: Car la pro
 testation qu'il a tousiours faicte de son af
 fection au seruice du Roy & biē du Ro
 yanne, esloigné de luy tout soupçon d'au
 cune mauuaise & sinistre entreprise, la
 France en a de tres-grands ostages d'ail
 leurs, la memoire de ces ancestres, la digni
 té de sa naissance, son bon meur, paisible, la

bienueillance de leurs Majestez, laquelle
 il n'y a point de doute qu'il n'ayme mieux
 cultiuer doucement en la place qui luy est
 deue, que de penser quelque chose au con-
 traire. Car quel autre doit plus craindre
 la ruine & desolatiõ de cest Estat que luy,
 qui pour le rang qu'il tient à le plus d'inté-
 rest à sa conseruation. Fiest bien versé aux
 bones lettres, & sçait pour son aage & sa
 qualité beaucoup : il ne faut pas qu'il aye
 feuilleté autre histoire que la nostre pour
 sçauoir ce que la France doit entendre &
 receuoir de luy : Il est sage il est indicioux
 & aduisé, il ne veut pas attirer la
 haine & la malediction publique & ne
 voudroit pas laisser à la posterité sa me-
 moire flestrie du reproche de n'auoir vou-
 lu deffendre le bien de l'Estat & conser-
 uer la paix & l'armonie du Royaume du-
 rant le bas aage du Roy, La façon donu il
 s'est comporté, & maintenāt encore se cõ-
 formant à la voulonté de sa Majesté, en
 ceste affaire, fera tousiours cognoistre que

son humeur est esloignée de toutes pratiques & artifices contraires: C'est pour le regard de Monsieur le Prince, sous lequel ie comprend les autres qui sont absēs: que peut il donc y auoir en France qui puisse resister aux desseins de sa Majesté? il y a peut estre quelques petites nuées qui voudroient s'eleuer s'ils auoient la force, mais quoy qu'on en dise ie ne pèse pourtāt qu'en cela il y aye beaucoup d'aparance: prenez moy tous les ordres du Royaume en leur particulier, & considerez bien l'intérest de tous, comme aussi à ce de quoy chacun se ressent obligé à leurs Majestez, & vous me confessez alors, qu'il n'y a aucune apprehension de trouble ny de souluement au preiudice de la fidelité deuë a leur service.

Pour ce qui est du Clergé, le premier en dignité, sçachez que cet ordre malaisemēt s'il ny a de la religion, dont il n'est point question maintenant se laissera il persuader que les dissensions intestines des peuples

ples quelque fondement ou couleur quelles
 ayent puissent estre approuuées de Dieu
 auteur de concorde & de paix? Il n'ay-
 dera iamais de ses decimes ceux qui pour-
 roient estre cause de la diminution de ses
 dismes. Il ny a pas vn d'eux qui ne sçache
 de point en point les articles de la dernie-
 re ligue de l'année 1684. qu'en est il arriué
 apres 14. ans de guerre barbare & inté-
 stine & sans intermission quelque pru-
 dence & despence que les Papes, les Pre-
 lats & la pluspart des Princes de l'Euro-
 pe, ayent apporté? rien que l'aduancemēt
 de l'heresie, la demolition des Temples,
 plusieurs communautés priuées du ser-
 uice diuin, le chastiment honteux de quel-
 ques Religieux, la mort precipitée de
 principaux chefs d'icelle, la pauureté de
 tout le Clergé de France par la vente de
 leur reueuu temporel.

Pour le peuple les calamitez des der-
 niers troubles encor es toutes freschès en
 la souuenance de ceux qui en ont porté le

faix luy feront reietter avec horreur & detestation comme pretexte, ce qu'ils ont autrefois trop embrassé a leurs despens pour vrages & iustes causes de remuer, Faiçtes leur recognoistre tant de dangers que vous voudrez, dictés leur que ces alliances sont pour nuire à la France & qu'il s'y faut opposer, dictés tout ce qu'il vous plaira proposer, tout ce que vous voudrez, il ne prendront rien d'autre mau que de celle de leur Medecin ordinaire.

Pour ceux de la Religiõ desquels peut estre quelques uns apprehendēt le souleuement en l'arriuée de l'Infante d'Espaigne, ie pense que la fidelité qu'ils doiuent au Roy, sous la protectiõ duquel ils iouissent de la liberte de leurs consciences, aura tousiours plus de force sur eux, que la ialousie des Alliances d'Espaigne.

Et ceux de la Noblesse, tous honnorēt les Princes a cause de leur qualité, qu'est la plus apparente qui soit parmy les hõ-

mes, mais point tant n'engagent ils leur cœur de ce costé que le respect du souverain n'aye deux fois autant de force sur eux, elle est si estroitement liée à la Monarchie que toutes les fois qu'elle se souviendra des conditions sous lesquelles les franchises ou immunités d'où elles jouyt, luy ont esté cōcedées; il ne luy faudra point d'autres resnes pour la contenir en son devoir. Elle craindra tousiours de tirer l'espee cōtre celui duquel elle tient le privilege de la porter. Quiconque le faict se degrade soy-mesme de sa dignité. Sa rebellion mesme est son arrest. La dernière paix cōclue à Veruins au mois de May 1598. ne les a elles pas faict repētir du passé & cognoistre notoirement qu'il ny a que blasme, reproche apprehension & infamie pour les rebelles & factieux: ce qui leur a appris par experiāce qu'il ny a fortune plus extreme & que l'on doive plus redouter que celle qui se separe & esloigne les en-

fans de l'obeissance du pere, & la Noblesse
 de celle de son Roy. Quand cilla arriue
 la iustice diuine permet que les vengeance
 ces s'exercent sans exception d'age de pa
 renté ny de qualité par diuers accidens.
 En outre representez vous Noblese ge
 nereuse que le Roy est ieune, qu'il n'a que
 quatorze ans tantost accomplis, & que
 vous estés ses conseruateurs naturels,
 & partant que vostre seruice ne luy doit
 iamais manquer, tant en cete considera
 tion que pour l'estrouste obligation qu'un
 chacun de nous doit auoir a la memoire
 de ce grand Capitaine le feu Roy son pere
 qui par sa vertu le courage incomparable,
 à la plus part de nous autres, à faict ac
 querir les armes à la main en pleine cam
 pagne à la veue de Paris & ailleurs, cō
 tre les rebelles & estrangers, l'honneur
 d'auoir esté le salut de nostre pays, soyons
 le encore maintenant selon les occurences
 de peur que celos ne perisse.

Sus donc genereuse Noblesse des
 vostre naissance obligés à rendre ce
 que vous devez à leurs Maiestes, sus
 sus preparez vous au voyage, quant
 a moy ie suis tout prest armé de tou-
 tes pieces, i'ay en la teste la fidelité,
 sur le cœur le courage au bras & aux
 mains la force & la valeur, aux pieds
 l'obeissance, & par tout ou bon leur
 semblera d'aller, ie suis armé de con-
 stance, ie suis honoré quand ie suis
 employé à l'exécution de leurs com-
 mendemens, ma gloire est leur serui-
 ce, mon repos est leur contentement,
 ie m'entretiens sous les loix de mon
 Roy, ie ne puis viure qu'ou il est, ie ne
 subsiste qu'en sō obeissance, ie ne suis
 esleué & nourry au maniement des
 armes que pour faire preuve de ce
 que ie sçay faire en la deffence de sō
 party, ie n'en suivray iamais d'autres
 au peril de ma vie. Le Roy est le So-

leil de nos gloires qui nous viuifie,
 & à proprement parler nous fait ce
 que nous sommes, nous ſçauons ce
 que luy deuõs, & ce que nous pouuõs
 eſpérer de ſa Maieſte, ſi nous conte-
 nans dans les bornes de l'obeiſſance
 & de la fidelité, nous nous rendrons
 dignes de ſes bien faiçts & faueurs
 leſquels elle ne departira iamais plus
 volontiers qu'à ceux dont il ſe ſou-
 uendra auoir eſté mieux aſſiſté du-
 rant ſon bas aage: il eſt en laage au-
 quel la loy du Royaume à accouſtu-
 mé de mettre comme elle à mis, en-
 tre les mains du Souuerain le gouver-
 nail de l'Eſtat: alors il peut diſpoſer
 abſolument de toutes choſes & dire
 il me plaift. Sa volonté réglée par la
 ſeule crainte de Dieu eſt la loy de ſes
 ſubieçts de toutes conditions & qua-
 litez. Nul ne s'y peut oppoſer ſans cri-
 me, les choſes qu'on à attendues iuſ-

ques à present de luy estoit sa resolution sur les alliances d'Espaigne, l'affaire est de poids & d'importance, on luy en a faict entendre les motifs, & les raisons tât d'un costé que d'autre, il à eu opinion iusques a ceste heure que cela ne preiudicieroit nullement le repos de son Estat, & pour ce ie ne croiray iamais qu'on le puisse, ny qu'on le doive demouuoir de la resolution qu'il a prise d'entreprendre ce voyage pour en paracheuer les ceremonies, c'est pourquoy il ne faut rien craindre pour ce regard, en tout cas soyons seulement tels que nous voulons qu'on nous croye, suiuiôs, & accompagnôs nostre Maistre, ne quittons iamais sa Maiesté pour quelque cause ou pretexte que ce soit, conuerisons vnanimement nos esprits a la manutention de la paix, qui acquise à la France par la valeur admirable de

Gr. es.
HENRY LE GRAND, luy est & à esté
iusques à présent cōseruee par la pru-
dence de ceste grande Princesse con-
stituée par cy deuant sur nous cōme
gouuernante & Regente, au regime
& gouuernemēt de l'Estat, & ne nous
foucions de ce quise pourroit dire au
contraire de ses resolutions, comme
chose qui n'est de nostre affaire, o-
beissons seulement & marchons sans
autre consideration puis que le Mai-
stre commande.

FIN.

